

**KANTON SARAJEVO STRUČNA SLUŽBA ZA ZAJEDNIČKE POSLOVE**

ulica Reisa Džemaludina Čauševića br. 1 71 000 Sarajevo

ID broj: 4200667410006

zastupana po načelniku Fikretu Jašareviću, ( u daljem tekstu Kupac)

**i**

**"KLIMACENTAR" d.o.o. Sarajevo,**

ul. Kenana Demirovića br. 102,

ID broj: 4201535800006,

koga zastupa direktor Nedžad Jašar ( u daljem tekstu Prodavac)

zaključili su

**UGOVOR**

***o servisiranju klima uređaja na motornim vozilima Kantona Sarajevo***

***Član 1.***

Predmet ovog Ugovora je vršenje servisnih usluga, popravka i prodaja originalnih dijelova za klima uređaje na motornim vozilima Kantona Sarajevo, po važećem cjenovniku i normativima izvršioca, a u skladu sa ponudom broj: 19-0100-000805 od 31.5.2019. godine.

***Član 2.***

Prodavac se obavezuje da će:

- stručno i kvalitetno obavljati servisne usluge i popravke klima uređaja na motornim vozilima Kantona Sarajevo i u vangarantnom roku,
- vozila uzeti u rad u roku od 24 sata od momenta dopremanja motornog vozila,
- na svom lageru obezbijediti neophodne rezervne dijelove za servisiranje vozila uz prethodno dostavljenu specifikaciju Naručioca,
- sve servisne intervencije i popravke klima uređaja na vozilima Naručioca vršiti u skladu sa planom održavanja vozila, odnosno prema uputama proizvođača istih.

***Član 3.***

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Prodavca.

Naručilac se obavezuje da neće koristiti usluge drugih servisa za klima uređaje sa područja Kantona Sarajevo za popravak i održavanje, osim u slučajevima kada drugačije nije moguće.

***Član 4.***

Prodavac se obavezuje da će se pridržavati datih garantnih uvjeta za servisirane klima uređaje i ugrađene rezervne dijelove na iste.

#### **Član 5.**

Prodavac se obavezuje da će detekciju kvara na klima uređajima vozila Kantona Sarajevo izvršiti odmah, odnosno bez prethodne najave Naručioca, dok će utvrđene kvarove otklanjati u skladu sa stepenom složenosti utvrđenog kvara, što se ima konstatovati u pisanoj formi, koju odrede Naručilac i Prodavac sporazumno (ponuda, predračuna i dr.)

#### **Član 6.**

Prodavac će cijenu obavljene usluge iz člana 1. ovog Ugovora obračunavati na osnovu specifikacije urađenih poslova, utrošenog materijala i ugrađenih dijelova, a prema **jediničnim cijenama usluga prihvaćene ponude Prodavca broj: 19-0100-000805 od 31.5.2019. godine, koja je sastavni dio ovog Ugovora.**

**Ukupna cijena bez PDV-a 2.495,77 KM**

**PDV 17% 424,29 KM**

**Ukupna cijena sa PDV-om 2.920,06 KM**

**Slovima: (dvijehiljadedevetstotinadvadeset 06/100 KM)**

#### **Član 7.**

Ugovorne strane su saglasne da rok plaćanja iznosi 30 dana od dana izdavanja računa. Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao. Ukoliko Naručilac ne plati račun za obavljene usluge u roku iz prethodnog člana, dužan je platiti zakonom propisane zatezne kamate.

#### **Član 8.**

Ugovor stupa na snagu danom potpisivanja i važi do realizacije (potrošnje) članom 6. ugovorene visine novčanih sredstava, a najduže može da traje do 31.12.2020. godine.

#### **Član 9.**

Svaka ugovorna strana može pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Ugovorom uz otkazni rok od 15 dana (računajući od dana prijema otkaza).

#### **Član 10.**

Ugovorne strane su saglasne da će sve eventualne sporove u vezi izvršavanja ovog Ugovora nastojati da riješe sporazumno, a u slučaju nemogućnosti rješenja spora, ugovorne strane su saglasne da je nadležan sud u Sarajevu.

**Član 11.**

Ovaj ugovor se počinje primjenjivati danom potpisivanja.

**Član 12.**

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani


**KUPAC:**

**PRODAVAC:**

**KANTON SARAJEVO**

**Stručna služba za zajedničke poslove**

**KLIMACENTAR d.o.o.**



**Direktor**

**Jašar Nedžad**

*Broj: 17-14-22700-1*

*Broj:*

*Datum: 03.06.2019. godine*

*Datum:*